



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXXVI. Markgraf Otto II. spricht die Unterthanen des Domcapitels von allen öffentlichen Abgaben und Lasten frei, i. J. 1197.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

traire. Si quis autem hoc attemptare presumpserit, indignationem omnipotentis dei et beatorum Petri et Pauli, apostolorum ejus, se noverit incursum. Datum Laterani XV. Kal. Aprilis, pontificatus nostri anno sexto.

Nach dem Originale.

XXXVI. Markgraf Otto II. spricht die Unterthanen des Domcapitels von allen öffentlichen Abgaben und Lasten frei, i. J. 1197.

— Ego Otto, dei gratia hujus nominis secundus marchio in Brandeburch, ecclesiam beati Petri, principis apostolorum, prepositum, canonicos et eorum successores in Brandeburch, regulam ordinis Premonstratensis profitentes, quos Wilmarus, pie memorie Brandenburgensis ecclesie tertius decimus episcopus, consilio et auxilio domini Wigmanni, Magdeburgensis, ecclesie archiepiscopi, et magno studio patris mei Ottonis, marchionis Brandenburgensis, et aliorum principum quam plurimum de Pardwin in episcopalem sedem, in urbe videlicet Brandeburch, que est caput marchie, in qua nunc deo militant, transposuit, sub protectione mea pro eo, quod in prefato capite marchie sunt constituti, secure suscipio, quoniam quidem dignum et justum est et satis usitatum, unumquemque hominem caput suum defendere, curare et specialibus libertatibus munire, ut capite securo cetera membra sint sine periculo. Ea propter libertatem, quam clericis imperiali sanctio divinitus per ora principum promulgata promissit, seu etiam canonica constitutio contradidit, et ego Otto eidem ecclesie preposito et canonicis perpetuo jure inconvulsam manere discerno. Insuper homines subditos et familiam ecclesie prepositi et canonicorum predictorum ab omni servitio, exactione, petitione, contributione, angaria, perangaria, theolonio, hospitibus et vexationibus a quibuscunque personis in perpetuum liberos et perpetua tranquillitate gaudere permitto et ordino. Preterea grandis lucta contra servos dei preparatur, dum hii, qui divinis obsequiis se tradiderunt, a bono contemplationis abstracti iudicibus secularibus adesse compelluntur, quibus utique super ecclesiis, personis ecclesiasticis et rebus ecclesie temporalibus et spiritualibus invadendi, detinendi, arrestandi, iudicandi vel quolibet alio modo nulla sit attributa potestas. Iniquum enim est et sacrilegii instar, ut, que pro salute et requie animarum unusquisque venerabili ecclesie contulerit, aut reliquerit, ab hiis, quos maxime fervare et defendere convenerat, in alterum transferantur. Ob hoc pro anime mee, parentum et quorumcunque successorum meorum animarum salute sempiterna prefatis ecclesie preposito et canonicis specialem gratiam et libertatem donando et appropriando indulgeo in perpetuum: Quod ego, Otto marchio predictus, ac heredes et successores mei nec non mei et heredum ac successorum meorum quicumque officii et alii cujuscunque conditionis vel status extiterint, qui ipsius ecclesie seu eorundem prepositi et canonicorum homines subjectos, familiam, villas, grangias, domus, ortos, vineas, maneria, ligna, prata, pascua, aquas, piscarias, fructus, census, redditus, proventus, ac alias res, possessiones atque loca, consuetudines, libertates, jura, jurisdictiones temporales et spirituales etiam in causis civilibus inter laicales personas de antiqua et hactenus pacifice observata consuetudine nec non donata vel in infirmitate seu ultimis voluntatibus ipsi ecclesie vel ad ipsius ecclesie fabricam seu structuram aut preposito seu canonicis predictis pro salute animarum etiam in absentia iudicum vel potestatum secularium seu heredum aut propinquorum donantium, legantium vel assignantium legata seu assignata nec non

alias possessiones vel bona alia mobilia vel immobilia, que personas liberas predictorum prepositi et canonicorum jure successionis vel alio justo titulo, si remanissent in seculo, contingissent et que potuissent aliis elargiri, seu alia bona mobilia et immobilia largitione et privilegiis principum, nobilium vel cujuscunque nominis personarum seu aliis modis quibuscunque eisdem ecclesie preposito et canonicis traditas, indultas, acquisitas, tradenda, indulgenda, acquirenda arrestant, impignorant, judicant, distringunt, invadunt, occupant et ea detinent occupata seu eos, eas vel ea arrestantibus, impignorantibus, judicantibus, distringentibus, invadentibus, detinentibus prestant auxilium, consilium vel favorem seu eisdem ecclesie, preposito, canonicis vel eorum hominibus subditis vel familie super predictis vel quibuslibet aliis rebus, bonis mobilibus et immobilibus, locis, causis, negotiis spiritualibus, temporalibus seu civilibus impedimenta, gravamina, dampna, molestias, injurias inferunt et jacturas, poterint et debeant licite nomine dictorum ecclesie et canonicorum absque mei, heredum et successorum meorum nec non mei, heredum et meorum successorum capitaneorum, advocatorum et officiatorum aliorumque judicium et potestatum secularium quorumcunque requisitione, contradictione et indignatione ad cessandum et desistendum de omnibus et singulis predictis et ipsis ecclesie, preposito et canonicis supradicta et eorum quodlibet restituendum seu plane satisfaciendum auctoritate et censura ecclesiastica libere coherceri. Quicunque huic mee donationi, ordinationi et appropriationi in posterum contraire vel factum illud verbo vel opere infringere temere attemptaverit, decem libras auri purissimi prefate ecclesie Brandenburgensi totiens, quotiens contra factum, irremissibiliter persolvat. Et ut hec omnia et singula presentibus et futuris temporibus perpetue perseverent, prefens scriptum roboravi meo sigillo. Hujus rei testes sunt, quorum nomina sunt hec: Norbertus, episcopus Brandenburgensis, Godescalcus, cellerarius, Baldevinus, custos, Riquinus, Walterus, Heynricus, Cefarius, canonici ecclesie Brandenburgensis, ego Otto, marchio in Brandeburch, Heynricus de Plawe, Richardus de Lyndow, Heynricus de Stegeliz, Heydenricus Leo, frater ejus Udo, Everardus, advocatus in Spandow, Fredericus, advocatus in Brandeburch, et alii quam plures. Acta sunt hec in urbe Brandeburch, anno dominice incarnationis M^o. C^o. nonagesimo septimo, indictione XV, concurrente II, epacta nulla, presidente sedi apostolice domino Celestino, regnante vero domino gloriosissimo Romanorum imperatore Heynrico. Amen.

Nach dem Originale.

XXXVII. Bischof Norbert von Brandenburg weiht im Namen des Erzbischofes von Magdeburg die St. Petri-Kirche zu Wörlitz, am 12. Dezember 1201.

In nomine sancte et individue Trinitatis Amen. Norbertus, Dei gratia Brandenburgensis ecclesie Episcopus — ad petitionem Domini Bernhardi, Illustris Ducis Saxonie, ecclesiam in Wörgelitz in honorem Salvatoris nostri et gloriose genetricis ejus et beati Petri Apostolorum principis vice Domini Ludolphi venerabilis Magdeburgensis Archiepiscopi, dedicamus, dotemque eidem Ecclesie attitulatam auctoritate Dei et beatorum Apostolorum Petri et Pauli, Domini quoque Archiepiscopi et nostra sub anathematis districtione confirmamus. Dos autem hec est etc. —. —. Prefate igitur Ecclesie in Wörgelitz dedicatio celebriter facta et peracta est II. id.